

元史紀事本末

元
事
新
事

本
來
二
十

十
卷

同治甲戌孟秋
江西書局開雕

元史紀事本末目錄

卷一

江南羣盜之平

卷二

北邊諸王之亂

乃顏
篤哇

海都

卷三

高麗之臣

卷四

日本用兵

卷五

占城安南用兵

卷六

西南夷用兵

緬金齒

八百媳婦

卷七

阿合馬桑盧之亂

卷八

科舉學校之制

卷九

郊議

卷十

廟祀之制

卷十一

律令之定

卷十二

運漕

河渠 海運

卷十三

治河

窮河源附

卷十四

官制之定

卷十五

元史紀事本末
尚書省之復

卷十六

諸儒出處學問之槩

卷十七

郭守敬授時歷

卷十八

佛教之崇

卷十九

武仁授受之際

卷二十

鐵木迭兒之奸

卷二十一

晉邸之立

卷二十二

三帝之立

明宗
文宗

順帝

卷二十三

脫脫之貶

哈麻附

卷二十四

小明王之立

卷二十五

元史紀事本末
目錄
察罕帖木兒克復之功

卷二十六

東南喪亂

卷二十七

諸帥之爭

李羅
李思齊

擴廓
張良弼

元史紀事本末目錄

元史紀事本末卷一

明

高安陳邦瞻編

太平倉張溥論正

江南羣盜之平

世祖至元十七年十二月漳州民陳桂龍兵起福建都元帥完者都等擊走之桂龍及其兄子陳弔眼有眾數萬屯高安砦據之朝廷命完者都及副帥高興討之時建寧賊黃華勢尤猖獗完者都先引兵壓其境華驚懼乞降完者都奏以華爲副元帥凡軍行悉以咨之桂龍等乘高爲險人莫敢進興命人挾束薪

進至半山棄薪走如是六日誘其矢石皆盡乃焚薪
焚山斬首二萬級桂龍遁走入畚洞

十九年夏四月陳桂龍降初桂龍旣遁陳弔眼猶擁
眾連五十餘砦未下高興等擊斬之桂龍等遂帥其
黨來降詔流桂龍於邊地 十二月獲福州叛賊林
天成戮於市

二十年三月廣州新會林桂方趙良鈐等擁眾萬餘
號羅平國稱延康年號擒之 九月象山縣海賊尤
宗祖等聚眾剽掠海上合刺帶等招降之凡九千五
百九十二人海道以寧 冬十月建寧路總管黃華

復反聚眾十萬號頭陀軍稱宋祥興年號破崇安浦城諸縣復攻建寧詔史弼等引兵急擊之華敗走自焚餘黨悉潰

二十一年二月漳州盜起邕州賓州梧州韶州衡州民黃大成等相延爲亂命湖南宣慰使撒里蠻將兵討之詔遷宋宗室及大臣之仕者於內地時荆湖閩廣之間兵興無寧歲有言宋宗室居江南欲反者遣使捕之宿衛士阿魯渾薩里曰江南初下民疑未附宋宗室反不聞郡縣言而信一人浮言捕擊之恐人人自危矣帝悟召使者還故有是詔十一月江

元史紀事本末 卷一
西行省參知政事月的迷失擒獲海盜黎德及招降
餘黨百三十三人卽其地誅黎德弟黎浩及僞招討
吳興等檻送京

二十二年二月廣東宣慰使月的迷失討潮惠二州
盜郭逢貴等四十五寨降民萬餘戶軍三千六百一
十人請將所獲逢貴等入覲面陳事宜詔許之秋七
月至京師言山寨降者百五十餘所帝問戰而後降
耶招之卽降耶對曰其首拒敵者臣已磔之矣是皆
招降者也因言前大兵後未嘗撫治其民州縣官復
無至者故盜賊各據土地互相攻殺人民漸耗今宜

擇良吏往治從之

二十三年春正月西川趙和尚白稱宋福王子廣王以誑民謀作亂伏誅 八月婺州永康縣民陳巽四等謀反伏誅 十一月詔議弭盜桑哥玉速帖木兒言江南歸附十年盜賊迄今未清宜降旨立限招捕而以安集責州縣之吏其不能者黜之葉李言臣在漳州十年詳知其事大抵軍官嗜利與賊通者尤難弭息宜令各處鎮守軍官例以三年轉徙庶革斯弊帝皆從之詔江西行省平章忽都鐵木兒督捕廣東等處盜賊

二十五年夏四月廣東民董賢舉浙江民楊鎮龍柳世英循州民鍾明亮各擁眾萬餘相繼起兵皆稱大老明亮勢尤猖獗詔遣江西行省丞相忙兀帶行樞密院副使月的迷失發四省兵討之明亮屢降復叛旣而福建按察使王惲上疏言福建郡縣五十餘處連山距海實邊徼要區由平宋以來官吏殘虐故愚民往往嘯聚朝廷遣兵討之復致蹂踐甚非一視同仁之意况福建歸附之民戶幾百萬黃華之變十去四五今明亮之勢又烈於華其可以尋常草竊視之乎宜選精兵明號令以計取之不然禍未已也御史

大夫月呂魯亦言江南盜起凡四百餘處宜選將討之帝曰月的迷失屢以捷聞忙兀帶已往卿毋以爲慮

二十六年夏四月禁江南民挾弓矢犯者籍以爲兵五月明亮率眾萬八千五百七十三人來降六月月的迷失請以降賊明亮爲循州知州宋士賢爲梅州判官丘應祥等十八人爲縣尹巡尉帝不允令明亮應祥並赴都冬十月月的迷失以丘應祥董賢舉歸於京師丙戌明亮復反以眾萬人寇梅州江羅等以八千人寇漳州又韶雄諸賊二十餘處皆舉

兵應之聲勢張甚詔月的迷失復與福建江西省合
兵討之且諭旨月的迷失鍾明亮旣降朕令汝遣赴
闕而汝玩常不發致有是變自今降賊其卽遣之
是月婺州賊葉萬五以眾萬人寇武義縣殺千戶一
人江淮省平章不憐吉帶將兵討之十一月漳州
賊陳機察等八千人寇龍巖執千戶張武義與楓林
賊合福建行省兵大破之陳機察亡大老張順等以
其黨降行省請斬之以警眾事下樞密院議范文虎
曰賊固當斬然旣降乃殺之何以示信宜並遣赴闕
從之